

書名 唐詩品彙九十卷拾遺十卷 嘉靖十六年序刊本
 撰者 明 高棟 輯
 卷 卷二十五
 內容分類 集-總集-各代-唐
 索書號 集部-總集-35
 編號 D7841100

卷二十五

彩色首頁1

[東洋文化研究所漢籍目錄 編號: D7841100](#)

[東洋文化研究所漢籍目錄所藏漢籍善本全文影像資料庫 索書號: 集部-總集-35](#)

[漢籍善本全文影像資料庫文本唐詩品彙九十卷拾遺十卷 嘉靖十六年序刊本](#)

[版權所有: 東京大學 東洋文化研究所](#)

[使用上的注意事項](#)

唐詩品彙拾遺卷之一

言古詩上

太宗皇帝 五首

帝京篇 三首

日雙闕昏迴輿九重暮長煙散初暈皎月澄輕素
 晁說琴書開軒引雲霧斜漢耿層閣清風搖玉樹

二

臨樂館眺聽歡芳節急管韻朱絃清歌凝白雪
 蕭來儀玄鶴紛成列去茲鄭衛聲雅音方可悅

三

新寧高棟編

云
也豈
悲
夫
谷
林
七言古詩叙目畢

唐詩品彙卷二十五

新寧高棟編

七言古詩

正始上

王宏一首

從軍行

兒生三日掌上珠。燕領猿肱穠李膚。十五學劍北擊胡。羌歌燕筑送城隅。城隈路接伊川驛。河陽渡頭邯鄲陌。可憐少年把手時。黃鳥雙飛梨花白。秦王築城三千里。西自臨洮東遼水。山邊疊疊黑雲飛。海畔萋萋青草死。從來戰鬪不求勲。殺身為君君不聞。鳳凰

樓上吹急管落日徘徊腸先斷

王勃

四首

秋夜長

秋夜長殊未央月明白露澄清光層城綺閣遙相望
川無梁北風受節南鴈翔崇蘭委質時菊芳鳴環曳
履出長廊爲君秋夜擣衣裳織羅對鳳凰丹綺雙鴛
鴦調砧亂杵思自傷征夫萬里戍他鄉鶴關音信斷
龍門道路長君在天一方寒衣徒自香

採蓮曲

一作採蓮婦

採蓮歸綠水芙蓉衣秋風起浪鳧鴈飛桂棹蘭橈下
長浦羅裙玉腕輕搖櫓葉嶼花潭極望平江謳越吹

相思苦相思苦佳期不可駐塞外征夫猶未還江南
採蓮今已暮今已暮採蓮花渠今那必盡娼家官道
城南把桑葉何如江上採蓮花蓮花復蓮花花葉何
稠疊葉翠本羞眉花紅強如頰佳人不在茲悵望別
離時牽花怜共蒂折藕愛蓮絲故情無處所新物從
華滋不惜西津交佩解還羞北海鴈書遲采蓮歌有
節采蓮夜未歇正逢浩蕩江上風又值徘徊江上月
徘徊蓮浦夜相逢吳姬越女何事茸共問寒江千里
外征客關山路幾重

臨高臺

臨高臺臨高臺遙遙絕浮埃瑤軒綺構何崔嵬鸞歌

鳳吹清且哀，俯瞰長安道。萋萋御溝草，斜對甘泉路。
蒼蒼茂陵樹，高臺四望同。佳氣鬱葱葱，紫閣丹樓紛。
照耀壁房錦，殿相玲瓏。東迷長樂觀，西指未央宮。赤
城映朝日，綠樹搖春風。旗亭百隊開，新市甲第千。薨
分戚里朱輪翠蓋，不勝春疊。榭層楹相對，起復有青
樓。大道中繡戶文牕，雕綺櫳錦衣畫不，襞羅帷夕未
空。歌屏朝揜翠粧鏡，晚窺紅為君安寶鬢。蛾眉罷花
塵間狹路，黯將暮雲間。月色明如素，鴛鴦池上雨。
兩飛鳳凰樓下，雙雙度物色。正如此佳期，那不顧銀
鞍繡轂盛繁華。可憐今夜宿娼家，娼家少婦不須擲。
東園桃李片時春，君看舊日高高處。柏梁銅雀生黃

塵

滕王閣

滕王高閣臨江渚，珮玉鳴鑾罷歌舞。畫棟朝飛南浦
雲，朱簾暮捲西山雨。閑雲潭影日悠悠，物換星移度
幾秋。閣中帝子今何在，檻外長江空自流。

盧照隣

長安古意

長安大道連狹斜，青牛白馬七香車。玉輦縱橫過主
第，金鞍絡繹向侯家。龍銜寶蓋承朝日，鳳吐流蘇帶
晚霞。百丈遊絲爭繞樹，一群嬌鳥共啼花。啼花戲蝶
千門側，碧樹銀臺萬種色。複道交牕作合歡，雙闕連

薨垂鳳翼梁家畫閣天中起漢帝金莖雲外直樓前
相望不相知陌上相逢詎相識借問吹簫向紫烟曾
經學舞度芳年得成比目何辭死願作鴛鴦不羨仙
比目鴛鴦真可羨雙去雙來君不見生憎帳額繡孤
鸞好取開簾帖雙鸞雙鸞雙飛繞畫梁羅幃翠被鬱
金香片片行雲着蟬髮纖纖初月上鴉黃鴉黃粉白
車中出含嬌含態情非一妖童寶馬鐵連錢娼婦盤
龍金屈膝御史府中烏夜啼廷尉門前雀欲栖隱隱
朱城臨玉道遙遙翠憶沒金堤挾彈飛鷹隼陵北採
丸借客渭橋西俱邀俠客芙蓉劍共宿娼家桃李蹊
娼家日暮紫羅裙清歌一轉口氤氳北堂夜夜人如

月南陌朝朝騎似雲南陌北堂連北里五劇三條控
三市弱柳青槐拂地垂佳氣紅塵暗天起漢代金吾
千騎來翡翠屠蘇鸚鵡杯羅襦寶帶爲君解燕歌趙
舞爲君開別有豪華稱將相轉日回天不相讓意氣
由來排灌夫專權判不容蕭相專權意氣本豪雄青
虬紫燕坐生風自言歌舞長千載自謂驕奢凌五公
節物風光不相待桑田碧海須臾改昔時金階白玉
堂即今惟見青松在寂寂寥寥穆子居年年歲歲一
床書獨有南山桂花發飛來飛去襲人裾

駱賓王

行路難

同幸常伯
軍中作

君不見玉關塵色暗邊庭銅鞮雜虜寇長城天子按
劍徵餘勇將軍受服事橫行七德龍韜開玉帳千里
鼙鼓動金鉦一作千里鼙陰山苦霧埋高壘交河孤
月照連營連營去去無窮極擁旆遙遙過絕國陣雲
朝結晦天山寒沙多漲迷踈勒龍鱗水上開魚貫馬
首山前振鵬翼長驅萬里龍言祁連分麾三命武功宣
百發烏號遙碎柳七尺龍文迴照蓮春來秋去移灰
瑄蘭閨柳市芳塵斷鴈門迢遞尺書稀鴛被相思雙
帶緩行路難堪令氛侵靜臯蘭但使封侯龍額貴詎
隨中婦鳳樓寒

劉庭芝

公子行

天津橋下陽春水天津橋上繁華子馬聲迴合青雲
外人影搖動綠波裏綠波清迴玉爲砂青雲雜披錦
作霞可憐楊柳傷心樹可憐桃李斷腸花此日遨遊
邀美女此時歌舞入娼家娼家美女鬪金香飛去飛
來公子傍的的朱簾白日映娥娥玉顏紅粉妝花際
徘徊雙蛺蝶池邊顧步兩鴛鴦傾國傾城漢武帝爲
雲爲雨楚襄王古來容光人所羨况復今日遙相見
願作輕羅着細腰願爲明鏡分嬌面與君相向轉相
親與君雙棲共一身願作貞松千歲古誰論芳槿一
朝新百年同謝西山日千秋萬古北邙塵

代悲白頭翁

一作宋之問詩

洛陽城東桃李花
飛來飛去落誰家
洛陽兒女惜顏色
行逢落花長嘆息
今年花落顏色改
明年花開復誰在
已見松柏摧為薪
更聞桑田變成海
古人無復洛城東
今人還對落花風
年年歲歲花相似
年年歲歲人不同
寄言全盛紅顏子
應憐半死白頭翁
此翁白頭真可憐
伊昔紅顏美少年
公子王孫芳樹下
清歌妙舞落花前
光祿池臺開錦繡
將軍樓閣畫神仙
一朝臥病無相識
三春行樂在誰邊
宛轉蛾眉能幾時
須臾鶴髮亂如絲
但看古來歌舞地
惟有黃昏鳥雀悲

崔悲

喬知之

綠珠篇

石家金谷重新聲
明珠十斛買娉婷
此日可憐君自許
此時可喜得人情
君家閨閣未曾難
常將歌舞借人看
意氣雄豪非分理
嬌矜勢力橫
相干辭君去
去終未忍徒勞掩
映傷鉛粉百年離
別在高樓一代紅顏為君盡

知之有美妾曰碧玉武承嗣奪之喬作此篇以寄之碧玉赴井死承嗣得詩於裙帶大怒諷酷吏羅告族誅之

古意和李侍郎

妾家巫山隔漢川
君度南庭向胡宛
高樓迢遞想金天
河漢昭回更悽然
夜如何其夜未央
閑花照月愁

洞房自矜夫婿勝王昌三十曾作侍中郎一從流落
成漁陽懷哉萬恨結中腸南山暮暮兔絲花北陵青
青女羅樹由來花葉同一根今日枝條分兩處三星
羞池光照灼北斗西指秋雲薄莖枯綠謝葉憔悴香
消花盡色零落美人長嘆絕容萎含情收取摧折枝
調絲獨彈聲未移感君行坐星歲遲閨中宛轉今若
斯誰能為報征人知

陳子昂

春臺引

寒食集畢
錄事宅作

感陽春芳生碧草春一作之油油懷宇宙以傷遠登高
臺而寫憂遲美人兮不見恐青歲之遂集作道從畢

公以酣飲寄林塘而一留來芳蓀於北渚憶桂樹於
南洲何雲木之美麗而池館之岸幽星臺秀士月旦
諸子嘉一作青鳥之辰迎火龍之始挾寶書與瑤瑟
芳蕙華而蘭靡乃掩白蘋藉綠芷酒既醉樂未已擊
青鍾歌淥水怨青春之萎絕贈瑤華之旖旎願一見
而道集作意結衆芳之綢繆曷余情之蕩漾集作獨
青雲以增愁悵三山之飛鶴憶海上之白鷗且曰群
仙去兮青春頽歲華歇兮黃鳥哀富貴榮樂幾時兮
朱宮碧堂生青苔白雲兮歸來

王適

古別離

昔歲驚楊柳高樓悲獨守今年芳樹枝孤栖怨別離
珠簾晝不卷羅幔曉長畫苦調琴先覺愁容鏡獨知
頻年鴈去一作頻來無消息罷却鴛紋一作罷去何用織
夜還羅帳空市情春着裙腰自無力青軒桃李落紛
紛紫庭蘭蕙一作香氛氲已能憔悴今如此更復含
情一待君

李嶠

擬古東飛百勞西飛鷲

傳書青鳥迎簫鳳巫嶺荆臺數通夢誰家窈窕住圓
樓五馬千金照陽頭羅裙玉珮當軒出點翠施紅競
春日佳人二八盛舞歌羞將百萬呈雙蛾庭前芳樹

朝夕政空駐妍華欲誰待

汾陰行

君不見昔日西京全盛時汾陰后土親祭祠齋宮宿
寢設厨供撞鐘鳴鼓樹羽旂漢家四葉才且雄賓筵
萬靈服九戎柏梁賦詩高宴罷詔書法駕幸河東河
東太守親掃除奉迎至尊道鑾輿五營將校列容衛
三河縱觀空里問回旌駐蹕降靈場焚香奠醑邀百
祥金鼎發食正焜煌靈祗煇燁攄景光埋玉陳牲禮
神畢舉麾上馬乘輿出彼汾之曲嘉可遊杏蘭爲楫
桂爲舟棹歌微吟綵鷁浮簫鼓哀鳴白雲秋歡娛宴
洽賜群后家家復除户牛酒聲名動天樂無有千秋

萬歲南山壽自從天子向秦關玉輦金輿不復還珠
簾羽帳長寂寞鼎湖龍髯安可攀千齡人事一朝空
四海為家此路窮雄豪意氣今何在壇場宮館盡蒿
蓬路逢故老長嘆息世事回還不可測昔時青樓對
歌舞今日黃埃聚荆棘山川滿目淚沾衣富貴榮華
能幾時不見只今汾水上唯有年年秋鴈飛明皇傳
信記云

上將幸蜀登華萼樓使樓前善水調者登而歌曰
山川滿目淚沾衣富貴榮華能幾時不見只今汾
水上唯有年年鴈飛上顧侍者曰誰為此日字
相李嶠辭也上口真才子也不待曲終而去

沈佺期 三首
古歌

落葉流風向玉臺夜寒秋思洞房開水晶簾外金波

下雲母牕前銀漢回玉階陰陰苔蘚色君王履綦難
再得璇閨窈窕秋夜長繡戶徘徊秋月光燕姬綵帳
芙蓉色秦女金鑪蘭麝香北斗七星橫夜半清歌一
曲斷君腸

古意 又作風
蕭曲

八月涼風動高閣千金麗人捲綃幕已憐池上歇芳
菲不念君恩坐搖落世上榮華如轉蓬朝隨阨陌暮
雲中飛鸞待寢昭陽殿班姬飲恨長信宮長信宮昭
陽殿春來歌舞妾自知秋至榮華君不見昔時羸女
厭世氛學吹鳳簫乘綵雲含情轉睞向簫史千載紅
顏持贈君

入少密溪

雲峰苔壁透溪斜。江路香風夾岸花。樹密不言通鳥道。鷄鳴始覺有人家。人家更在深巖口。澗水周流宅前後。遊魚瞥瞥雙釣童。伐木丁丁赤樵叟。自言避喧非避秦。群衣耕鑿帝老人。相留且待鷄黍熟。夕卧深山蘿月春。

徐玄之

採蓮

越艷荆姝慣採蓮。蘭橈畫楫滿長川。秋來江水澄如練。映水紅粧如可見。此時蓮浦珠翠光。此日荷羅綺香。纖手周遊不暫息。紅英爛熳殊未極。夕鳥栖林

人欲稀長歌哀怨採蓮歸

宋之問七首

下山歌

王無競和云山云巖兮下山山山路連綿兮樹石間出谷口兮見明

下嵩山兮多所思。携佳人兮步逶遲。松間明月長如。此君身遊兮復何時。

軍中入日登高贈房明府

幽郊昨夜陰風斷。頓覺朝來陽吹暖。涇水橋南柳欲黃。杜陵城北花應滿。長安昨晚寄春衣。短翮登茲一望歸。聞道凱旋乘騎入。看君走馬見芳菲。

寒食陸渾別業

洛陽城裏花如雪陸渾山中今始發
旦別河橋楊柳風夕卧伊川桃李月
伊川桃李正芳新寒食山中酒
復春野老不知堯舜力酣歌一曲太平人

寒食江州滿塘驛

去年上巳洛橋邊今年寒食廬山曲
遙憐鞦韆樹花應滿復見吳洲草
新綠吳洲春草蘭杜芳感物思歸懷
故鄉驛騎明朝發何處猿聲今夜斷
君腸

至端州驛見杜五審言沈三佺期閻五朝

隱王二無競題壁慨然成咏

逐臣非地承嚴譴調到南中每相見
豈意南中岐路多千山萬水分鄉縣
雲搖雨散各翻飛海濶天長音

信稀處處山川同瘴癘自憐能得幾人歸

明河篇

唐書云武后朝之問求為北門學士不許乃作此篇以見意后見之謂崔融曰非不知之問有奇才但恨有口過耳注口過謂口臭

八月涼風天氣清萬里無雲河漢明
昏見南樓清且淺曉落西山縱復橫
洛陽城闕天中起長河夜夜千門裏
複道連薨共蔽虧畫堂瓊戶特相宜
雲母帳前初泛濫水精簾外轉逶迤
倬彼昭回如練白復出東城接南陌
南陌征人去不歸誰家今夜擣寒衣
鴛鴦機上踈螢度烏鵲橋邊一鴈飛
鴈飛螢度秋難歇坐見明河漸微沒
已能舒卷任浮雲不惜光輝讓流月
明河可望不可親願得乘槎一問津
更將織女支機

石還訪城都賣卜人

龍門應制

武后遊龍門命群臣賦詩先成者賞以錦袍東方虬詩成設賜坐未安宋之詩後成文理兼美左右無不稱善乃就奪錦袍衣之

宿雨霽氛埃流雲度城闕河堤柳新翠苑樹花先發
洛陽蒼柳此時濃山水樓臺映幾重群公拂霧朝翔
鳳天子乘春幸鑿龍鑿龍近出玉城外羽從淋漓擁
軒蓋雲蹕絕臨玉水橋天衣已入香山會山壁嶄巖
斷復連清流澄澈俯伊川塔影遙遙綠波上星龕奕
奕翠微邊層巒鬱巖長千尋木遠壑初飛萬丈泉綵仗
紅旌遠香閣下輦登高望河洛東城宮闕擬昭回南
陌溝塹殊綺錯林下天香七寶膏山中有酒萬年杯

微風一起祥花落仙樂初鳴瑞鳥來鳥來花落紛無
已稱觴獻壽香霞裡歌舞淹留景欲斜石間猶駐五
雲車鳥旗翼翼留芳草龍騎駸駸映晚蒼千乘萬騎
鸞輿出水靜山空嚴警蹕郊外喧喧引看人傾都南
望屬車塵竇聲引颺查黃道王氣周回入紫宸先王
定鼎山河圖寶命乘周萬物新吾君不事瑤池樂時
雨來觀農扈春

文章郭振

古劍篇

唐史本傳少有大志為通泉尉任俠使氣韋盜鑄及掠賣部中

君不見昆吾鐵冶飛炎烟紅光紫氣俱赫然良工鍛

鍊凡幾年鑄得寶劍名龍泉龍泉顏色如霜雪良工
谷嗟嘆奇絕琉璃玉匣吐蓮花錯鏤金鏤生明月正
逢天下無風塵幸得周防君子身精光黯黯青蛇色
文章片片綠龜鱗非直結交遊俠子亦曾親近英雄
人何言中路遭弃捐零落飄淪古獄邊雖復沉埋無
所用猶能夜夜氣衝天杜子美八哀云高咏
寶劍篇神交付真漢

盧僎

十月梅花

君不見巴鄉春候中華別年年九月梅花發上苑今
應雪作花寧知此地花為雪自從遷播落黔巴已見
江上開新菴故園風光虛落泊窮政疑雲度歲華花

情縱似河陽好客心倍傷邊候早春候颯驚樓上梅
霜威未落江潭草江水侵天去不還樓榭覆簾空坐
攀一向蒼前看白髮幾迴裏裏憶紅顏紅顏白髮雲
泥改何異菜田移碧海却想華年故國時唯餘一片
空心在空心吊影向誰陳雲空仙閣舊遊人倘知巴
樹連冬發應憐南國氣長春

張說

鄴都引

君不見魏武草創爭天祿群雄睚眦相馳逐書携壯
士破堅陣夜接詞人賦華屋都邑繚繞西山陽桑榆
漫漫漳河曲城郭為墟人代改但見西園明月在鄴

傍高塚多貴，在城眉曼睩，共不塵試上銅臺歌舞處。
唯有秋風愁殺人。

徐彦伯

芳樹

玉花瓊簾上，金縷一作畫屏開曉月，憐筆柱春風憶。
鏡臺箏柱春風吹，曉月芳樹落花朝，暝歇藁砧刀頭。
未有時攀條，拭淚坐相思。

吳少微

怨歌行

城南有怨婦，含情傍芳叢。
皇恩數流眄，承幸玉堂中。
三八時歌舞入漢宮，
黃花催夜酒，錦衣羅

袂逐春風，建章西宮煥若神，燕趙美女二千人，君王
狀德不忘新，况群艷冶紛來陳，是時別君不再見，三
十三春長信殿，長信重門晝掩關，清房曉帳幽且閑，
綺窓蟲網氛塵色，文軒鶯樹桃李顏，天王貴宮不貯
老，浩然掩淚來，還自伶轉晚暮，試逐佳遊芳草路，
小腰麗女奪人奇，金鞍少年曾不顧。有逸句

歸來誰為夫，請謝西家婦，莫辭先醉解羅襦。

古意

洛陽芳草向春開，洛陽女兒平旦來，流車走馬紛相
催，折芳草，向曲臺，曲臺自有千萬行，重花累葉間，
垂楊北林朝日錦，明光南國微風蘇，合香可怜窈窕

女不作邯鄲娼妙舞輕迴拂長袖高歌浩唱發清商
歌終舞罷歡無極樂往悲來長嘆息陽春白日不少
留紅花碧樹無顏色碧對風蒼先春度珠簾粉澤無
人顧如何年少忽遲暮坐見明月與白露團團
夜已寒香衣錦帶空珊珊今日陽春一妙曲鳳凰樓
上與君彈

劉廷琦

紫宸飛雪曉徘徊曾闕重門雪照開九衢晶耀浮埃
盡千品差池暫常來何處由中非種玉誰家院裏不
生梅埋雲翳景無窮已因風落地吹還起先過翡翠

此等好句乃沈氏存又入選

寶房中轉入鴛鴦金殿裏美人含笑出照翩艷逸輕
相鬪容止羅衣點着渾是蒼玉手搏來半成水亦奕
紛紛何所如頓憶陽園二月初蓋同班妾高秋翳欲
照明王一夜書姑射山中符聖壽芙蓉闕下降仙車
願隨春澤流無限長揖豐年貴有餘

李如璧

明月

三五月華流火光可憐懷歸野路長逾江越漢津無
梁遙遙永夜思茫茫昭君失寵辭上宮蛾眉嬋娟卧
氈穹胡人琵琶彈北風漢家音信絕南鴻昭君此時
怨盡工可憐明月光腫臃節既秋兮天向寒沅有漪

兮湘有瀾沅湘糾合森漫漫洛陽才子憶長安可憐
明月復團團逐臣戀主心愈恪棄妾思君情不薄已
悲芳歲徒淪落復恐紅顏坐銷鑠可憐明月方照灼
向影傾身比葵藿

李昂 一首

從軍行

漢家未得燕支山征戌年年沙朔間塞下長驅汗血
馬雲中恒閉玉門關陰山瀚海千萬里此日桑河凍
流水稽洛山邊雲騎來漁陽戍裏烽烟起長途羽檄
何相望天子按劍思北方羽林練士拭金甲將軍校
戰出玉堂幽陵異域風烟改亭障連連古今在夜聳

鴻鴈南渡河曉望旌旗北臨海塞沙飛浙瀝遙裔連
窮磧玄漠雲平初合陣西山月出聞鳴鑼城南百戰
多苦辛路傍死卧黃沙人戎衣不脫隨霜雪汗馬趁
趨長被鐵楊葉樓中不寄書蓮花劍上空流血匈奴
未滅不言家驅逐行行邊徼賒歸心海外見明月別
思天邊夢落蒼天邊迴望何悠悠芳對無缺渡隴頭
春雲不變陽關雪桑葉先知胡地秋田疇不膏盧龍
策實意思勒燕然石縻兵靜北番此日交河湄欲令
塞上無干戚會待單于繫頸時

胡浩

大漢行

單于犯薊塹虜騎畧蕭邊南山木葉飛下地北海蓬
根亂上天科斗連營太原道魚麗合陣武威川三軍
遙倚伏萬里相馳逐旌旆悠悠靜瀚源鼙鼓喧喧動
盧谷窮徼出幽陵吁嗟倦寢興馬蹄凍溜石胡毳暖
生冰雲沙決莽天光閉河塞陰沉海色凝崆峒此國
誰能託蕭索邊心常不樂近見行人畏白龍遙聞公
士愁黃鶴陽春半岐路間瑤臺苑玉門關百花芳對
紅將歇二月蘭皋綠未還陣雲不散魚龍水雨雪猶
飛鴻鵠山山嶂綿連那可極路遠辛勤夢顏色北堂
萱草不寄來東園桃李長相憶漢將紛紜攻戰盈胡
寇蕭條幽朔清韓昌拜節備知送鄭吉驅旌坐見迎
火絕烟沉在西極谷靜山空自北平但得將軍能有
勝不須天子築長城

賀朝清

從軍行

朝胡乘月寇邊城軍書插羽刺

一作賜

中京天子金壇

拜飛將軍于玉塞振佳兵騎射先鳴推任俠龍韜決
勝佇時英聞有何女客情情理唯亦常山啓伯圖汜
水先天策銜珠浴鐵向桑乾雙旗膏劍指烏丸鳴雞
已報關山曉來鴈遙傳沙塞寒直爲甘心從苦節隴
頭流水鳴鳴响邊對蕭蕭不覺春天山漠漠長飛雪
魚麗陣接雲塞平鴈翼營通海月明始看晉幕飛鷄

入旋聞齊壘啼鳥一作聲自從一戍燕支山春光幾
度晉陽關金河未轉青絲騎玉勒應啼紅粉顏鴻歸
燕相續池邊芳草綠已見氛清細柳營莫更春歌落
梅曲烽沉竈減靜邊亭海晏山空肅已寧行望鳳京
旋凱捷重來麟閣畫丹青

萬齊融

伏劍行

昨夜星宮動紫微今年天子用武威登車一呼風雷
動遙震陰山撼巍巍胡驕子當覓堯頭蝕應死願騎
單馬仗天威採取長繩縛虜歸伏劍遙叱路傍子
奴頭血濺君衣

王翰

春女歌

郭茂倩樂府作春女行

紫臺穹跨連紆波紅軒鉛匣垂織羅中有一人金作
面隔幌玲瓏遙可見忽聞黃鳥鳴且悲鏡邊令髮着
春衣羅袖嬋娟似無力行拾落蒼比容色落蒼一度
無再春人生作樂酒及辰君不見楚王臺上紅顏子
今日皆成孤兔塵

飲馬長城窟行

一作古長城吟

長安少年無遠圖一生惟羨執金吾麒麟殿前拜天
子走馬爲君西擊胡胡沙獵獵吹人面漢虜相逢不
相見遙聞鍾鼓動地來傳道單于夜猶戰此時顧恩

寧顧身為君一行摧萬人壯士揮戈迴白日單于滅
血汗朱輪歸來飲馬長城窟長城道傍多白骨問之
耆老何代人云是秦王築城卒黃昏塞北無人烟鬼
哭啾啾聲沸天無罪見誅功不賞孤魂流落此城邊
當昔秦王按劍起諸侯膝行不敢視富國強兵二十
年築怨聲冤九千里秦王築城何太愚天實亡秦非
北胡一朝禍起蕭牆內渭水咸陽不復都

孫逖

山陰縣西樓

都邑西樓芳樹間逶迤霽色遶江山山月夜從公署
出江雲晚對訟庭還誰知春色朝朝好二月飛花滿

江草一見湖邊楊柳風遙憶青青洛陽道

玄宗皇帝

初入秦川路寒食

洛川芳樹映天津灞岍垂楊窳地新直為經過行樂
處不知虛度兩京春去年餘閨今春早曙色和風着
蒼草可憐寒食與清明光輝併在長安道自從關路
入秦川爭到何人不戲鞭公子途中妨踟躕佳人馬
上廢鞦韆渭水長橋今欲度忽忽漸見新豐樹遠看
驪岫入雲霄預想湯池起烟霧霧氣氤氳水殿開暫
拂香泉歸去來今歲清明行已晚明年寒食更相陪

春臺望

暇景屬三春高臺聊四望目極千里際山川一何壯
太華見重岩終南分疊嶂郊原紛綺錯參差多異狀
佳氣滿通郊遲步入綺樓初鶯一一鳴紅樹歸鴈遲
遲去綠洲太液池中下黃鶴昆明水上映牽牛聞道
漢家全盛日別館離宮趣非一其泉迢迓亘明光五
柞連延接未央周廬徼道縱橫轉飛閣迴軒左右長
須念作勞居者逸勿言我后焉能恤爲想雄豪壯柏
梁何如儉陋卑茅室陽烏黯黯向山沉夕鳥喧喧入
上林薄暮賞餘回步輦還念中人罷百金

賀知章

奉和御製

青陽布王道玄覽陶真性欣若天下春高逾域中聖
神臯類觀賞帝里如懸鏡繚繞八川浮岩峯雙闕映
曉色徧昭陽晴雲卷豫章華滋的皪丹青對顯氣氤
氲金玉堂尚有靈蛇下廊時還徵瑞寶入陳倉自昔
秦奢漢窮武後庭萬餘宮百數旗回五丈殿千門連
綿南陞出西垣廣畫螭蛾觀窈窕羅生玳瑁象崑崙
迺睠天情興隱恤古來土木良非一荆臨章華趙叢
臺何如堯階將禹室層欄辟窳下龍輿清管逶迤半
綺疎一聽南風引鸞舞長謠北極仰鷄居

許景先

奉和御製

睿德在青陽高居視中縣秦城連鳳闕漢寢疏龍殿
文物照光輝郊畿鬱葱蒨千門望成錦八水明如練
複道曉光披宸遊出禁移瑞氣朝浮五雲閣祥光夜
吐萬年枝蘭葉負龜初薦祉桐花集鳳更來儀秦漢
生人凋力役阿旁甘泉構雲碧汾祠雍時望通天玉
堂宣室坐長年鼓鍾西接咸陽觀苑囿南通鄠杜田
明主卑宮戒前失輔德欽賢政惟一昆蟲不夭在春
蒐稼穡常艱重農術邦家已荷聖謨新猶聞儉陋惜
中人預奉北辰垂七曜長歌東武抃千春

唐詩品彙卷之二十五

唐詩品彙卷之二十六

正宗一

李白上

樂府二十三

烏夜啼

昔雲城邊烏欲栖歸飛啞啞枝上啼機中織錦秦川
女碧紗如炬隔牕語停梭悵然憶遠人獨宿孤房淚
如雨劉涓溪云語有深於此者然情之所至皆不如
此則亦不必深也凡言樂府者未足以知此

烏栖曲

姑蘇臺上烏栖時吳王宮裏醉西施吳歌楚舞歡未
畢青山欲銜半邊日銀箭金壺漏水多起看秋月墜